



Naunaipkutaq Titiraq

Havauhikhait Kamissinap Nunavunmi

Taamna Kamissina Nunavunmi kavamatuqanit tikkuaqtauhimayuq munaqtakhaqaqhuni taamnatut aviktuqhimayumi Tuglia Kuin Kivgaqtianik. Taapkua pingahut ukiuqtaqtumi aviktuqhimayut (Nunavut, Nunattiaq Yukon-lu) tamangnik Kamissinalgit.

Taamna Kamissinap havauhikhait titirattiaqhimayut talvani ilanganik 5-10 kavamatuqait *Nunavunmi Maligainit*. Taamnalu Kamissina havangniarnahugiyauyuq malikhugu taamna Titiraq Maliktakhaanik tuniyaugumi kavamatuqait Ministaanit Itqilinik Ukiuqtaqtumiuniglu Ikayuqtiinit tikkuaqtautarumi. Hapkua maliktakhat pitquyauhimayut maligaliuqhimayut takupkaqtitauyarialgit Maligaliurvingmi.

Taamna Kamissina tikkuaqtauvaktuq maligaliuqhimayutut taimaa Atannguyaubluni Aulapkaikyuaq Nunavunmi ilagiblugu maligaliurvik (taimaa Kamissinap Angirutaanik pihimayukhat Piquyaq maligaliuqtautinnagu). Kihimi, havaakhaq taamna aallannguqpalliyuq ukiut atuqtillugit.

Ublumi, Kamissinap hakugingniit naunaitpiaqtut. Havaquyauhimagumi, Kamissina unniqtuiyiniit tuhaqtukhaq Maligaliuqtilluanit Maligaliurvingmilluunniit, kitulikiaq.

Kamissinap havaakhait hakugingniillu ataani titiraqhimayut:

- Angmaqtihuni Uqaqtiuvaktuq (naunaitpaktuq taimaa “Uqauhiit Ikhivautaqyuamit” imaaluuniit “Ikhivautaqyuamit Uqauhiit”) hivulliqpaamit katimatqiliraangamik. Una Uqauhiq havaakhainik irinigiyainglu Kavamatkut naunaitkutauvakhuni Katimavikhainik;
- Angiqhivaktut Piquyanik Pingahuanit Taiguqtaugaangat Maligaliurvingmi;

- Nutqaqtittivakhuni Katimatillugit Maligaliurvingmit;
- Huuhuiqtittiniq, pitquyauhimagumik Maligaliuqtilluanit, Maligaliurvingmit pitqutjutiniglu niruaqtittiyukhanut;
- Titiraliqibluni taapkua Iulumuqhutik Havangniaqhimayut Titirarviinut MLA-nut;
- Tikkuauqtuibluni, pitquyaugaangami Maligaliurvingmit, taapkuningga:
 - Hivuliqtimik;
 - Ministanik;
 - Titiraqti Maligaliurvingmut;
 - Ihumaliuttiarnirmut Kamissina;
 - Uqauhiliqinirmut Kamissina;
 - Naunaipkutanik Ilitturiyauttailinirmut Kamissina; taamnalu
 - Ataniulluaqtuq Niruaqtittinirmut Titiraqti
- Tikkuauqtuibluni, pitquyaugaangat Maligaliuqtilluanit, katimayikhanik kitunut katimayinut, apiqhuiyinit ahinillu katimayinit;
- Tikkuauqtuibluni, pitquyaugaangat Hivuliqtimit, Ministanik havaakhainut;
- Atiliqtuibluni kitunikiaq pitquyauhimagumik ingilrutinik¹;
- Iilitaqhibluni iniqhimaliqtainik inuup aittuqhugit Kamissinap Aittuutikhainik; imaalu
- Katimapkaiblulik quviahuutinut pitquyauhimagumiglu.

Taamna Tuglia Kamissinap himmatauavaktuq Kamissinamut huittaraangat Kamissina aanniarumiluunniit huinniarumiluunniit.

Naunaittiarumaguffi qaritauyakuurlutit:

<http://www.gov.nu.ca/en/commissioner.aspx>

uvvallu

<http://www.ainc-inac.gc.ca/nth/pubs/comm/comm-eng.asp>

¹ “Pitquyauhimagumik titiqqat” taapkuanguyut maligakhait, pitqutjutit, maligakhaliuqhimagumik, tikkuauqtuitjutit, titiraqtakhat, naunaitkutit akikhanut, kiinauyaliuqtat, tiguinnarialiuyutit, uqauhiit pigiaqtitauhimayullu.